

卷中

校正金匱要畧心典



金匱心典卷中

漢張仲景著

吳下尤怡在淫集註

奔豚氣病脉證治第八

師曰。病有奔豚。有吐膿。有驚。有火邪。此四部病。皆從驚發得之。

奔豚具如下文。吐膿。有效與嘔之別。其從驚得之。旨未詳。驚怖即驚。恐蓋病從驚得。而驚氣即為病氣也。火邪見後驚悸部。及傷寒太陽篇云。太陽病。以火重之。不得汗。其人必躁。到經不解。必圜血。名為火邪。然未嘗云從驚發也。驚悸篇云。火邪者。桂枝去芍藥加蜀漆牡蠣龍骨救逆湯主之。此亦是因火邪而發驚。非因驚而發火邪也。即後奔豚證治三條。亦不必定從驚恐而得。蓋是證有雖病傷寒之異。從驚恐得者。雖病也。從發汗及燒鍼被寒者。傷寒也。其吐膿火邪二病。仲景必別有謂。姑闕之以俟知者。

或云。東方肝木。其病發驚駭。四部病皆以肝為主。奔豚驚怖。皆肝自病。奔豚因驚而發病。驚怖即驚。以為病也。吐膿者。肝移熱於胃。胃受熱而生癰膿也。火邪者。木中有火。因驚而發。發則不特自燭。且及他藏也。亦通。

師曰。奔豚病從少腹上衝咽喉。發作欲死。復還止。皆從驚恐得之。

前云驚發。此兼言恐者。腎傷於恐。而奔豚為腎病也。純水畜也。腎水藏也。腎氣內動。上衝咽喉。如豚之尖。故名奔豚。亦有從肝病得者。以腎肝同處下焦。而其氣竝善上逆也。

奔豚氣。上衝胸腹痛。往來寒熱。奔豚湯主之。

此奔豚氣之發於肝邪者。往來寒熱。肝藏有邪。而氣通於少陽也。肝欲散。以薑夏生葛散之。肝苦急。以甘草緩之。芎歸芍藥理其血。黃芩李根下其氣。桂苓為奔豚主藥。而不用者。病不由腎發也。

奔豚湯方 甘草

芎藭

黃芩

芍藥

半夏

生薑

各四兩

生葛

五兩

甘李根白皮

一升

右九味以水二斗煮取五升溫服一升日三夜一服

發汗後燒鍼令其汗鍼處被寒核起而赤者。必發奔豚。氣從少腹上至心。灸其核上各一壯。與桂枝加桂湯主之。

此腎氣乘外寒而動發為奔豚者。發汗後燒鍼復汗。陽氣重傷。於是外寒從鍼



孔而入通於腎。腎氣乘外寒而上衝於心。故須灸其核上以杜再入之邪。而以桂枝湯外解寒邪。加桂內泄腎氣也。

桂枝加桂湯方

桂枝

五兩

芍藥

生薑

各三兩

甘草

二兩炙

大棗

十五枚

右五味以水七升微火煮取三升去滓服一升

發汗後臍下悸者。欲作奔豚。茯苓桂枝甘草大棗湯主之。

此發汗後心氣不足而後腎氣乘之。發為奔豚者。臍下先悸。此其兆也。桂枝能伐腎邪。茯苓能泄水氣。然欲治其水必益其土。故又以甘草大棗補其脾氣。甘瀾水者。揚之令輕使不益腎邪也。

茯苓桂枝甘草大棗湯方

茯苓

半斤

甘草

二兩

大棗

十五枚

桂枝

四兩

右四味以甘瀾水一斗先煮茯苓減二升內諸藥煮取三升去滓溫服一升日

三服

甘瀾水法取水二斗置大盆內以杓揚之上有珠子五六千顆相逐取用之也

胸痺心痛短氣病脉證治第九

師曰。夫脉當取太過不及。陽微陰弦。即胸痺而痛。所以然者。責其極虛也。今陽虛知在上焦。所以胸痺心痛者。以其陰弦故也。



陽微陽不足也。陰弦陰太過也。陽主開陰主閉。陽虛而陰平之。即胸痺而痛。痺者閉也。夫上焦為陽之位。而微脈為虛之甚。故曰責其極虛以虛陽。而受陰邪之擊。故為心痛。

平人無寒熱。短氣不足以息者。實也。

平人素無疾之人也。無寒熱。無新邪也。而乃短氣不足以息。當是裏氣暴實。或痰或食。或飲碍其升降之氣而然。蓋短氣有從素虛宿疾而來者。有從新邪暴遏而得者。二端並否。其為裏實無疑。此審因察病之法也。

胸痺之病。喘息欬唾。胸背痛。短氣。寸口脈沉而遲。關上小緊。數。栝樓薤白白酒湯主之。

胸中陽也。而反痺則陽不用矣。陽不用。則氣之上下不相順接。前後不能貫通。而喘息欬唾。胸背痛。短氣等證見矣。更審其脈。寸口亦陽也。而沉遲則等於微矣。關上小緊亦陰弦之意。而反數者。陽氣失位。陰反得而主之。易所謂陰疑於陽。書所謂牝雞之晨也。是當以通胸中之陽為主。薤白白酒。辛以開痺。溫以行陽。栝樓實者。以陽痺之處必有痰濁阻其間耳。

栝樓薤白白酒湯方 栝樓實一枚 薤白半升 白酒七升

右三味同煮取二升分溫再服

胸痺不得臥心痛徹背者栝樓薤白半夏湯主之

胸痺不得臥是肺氣上而不下也心痛徹背是心氣塞而不和也其痺為尤甚

矣所以然者有痰飲以為之援也故於胸痺藥中加半夏以逐痰飲

栝樓薤白半夏湯方 栝樓實一枚 薤白三兩 半夏半升 白酒一斗

右四味同煮取四升溫服一升日三服

胸痺心中痞氣氣結在胸胸滿脇下逆搶心枳實薤白桂枝湯主之

之

心中痞氣氣痺而成痞也脇下逆搶心氣逆不降將為中之害也是宜急通其

痞結之氣否則速復其不振之陽蓋去邪之實即以安正養陽之虛即以逐陰

是在審其病之久暫與氣之虛實而決之

栝樓薤白桂枝湯方 枳實四枚 薤白半斤 桂枝一兩 厚朴四兩

栝樓實一枚



右五味以水五升先煮枳實厚朴取二升去滓內諸藥者數沸分溫三服

人參湯方

人參

甘草

乾薑

白朮

各三兩

右四味以水八升煮取三升溫服一升日三服

胸痺胸中氣塞短氣茯苓杏仁甘草湯主之橘枳生薑湯亦主之

此亦氣閉氣逆之證視前條為稍緩矣二方皆下氣散結之劑而有甘草苦辛之異亦在酌其強弱而用之

茯苓杏仁甘草湯方

茯苓

三兩

杏仁

五十個

甘草

一兩

右三味以水一斗煮取五升溫服一升日三服不差更服

橘枳生薑湯方

橘皮

一斤

枳實

三兩

生薑

半斤

右三味以水五升煮取二升分溫再服

胸痺緩急者意以附子散主之

陽氣者精則養神柔則養筋陽痺不用則筋失養而或緩或急所謂大筋輭短小筋弛長者是也故以薤白仁舒筋脉附子通陽痺

薤白以附子散方

薤白

仁十五兩

大附子

十枚

右二味杵為散服方寸匕日三服

心中痞。諸逆心懸痛。桂枝生薑枳實湯主之。

諸逆該痰飲客氣而言。心懸痛。謂如懸物動搖而痛。逆氣使然也。桂枝枳實生

薑。辛以散逆。苦以泄痞。溫以祛寒也。

桂枝生薑枳實湯方 桂枝

生薑各三兩

枳實五兩

右三味以水六升煮取三升分溫三服

心痛徹背。背痛徹心。烏頭赤石脂丸主之。

心背徹痛。陰寒之氣遍滿陽位。故前後牽引作痛。沈氏云。邪感心包。氣應外俞。則心痛徹背。邪襲背俞。氣從內走。則背痛徹心。俞臟相通。內外之氣相引。則心痛徹背。背痛徹心。即經所謂寒氣客於背俞之脉。其俞注於心。故相引而痛是也。烏附椒薑同力協濟。以振陽氣而逐陰邪。取赤石脂者。所以安心氣也。

烏頭赤石脂丸方

烏頭一分

蜀椒

乾薑各一兩

附子半兩

赤石脂一兩

右五味末之。蜜丸如桐子大。先食服一丸。日三服。不知稍加服。



附方

九痛丸治九種心疼

附子三兩炮

生狼牙

巴豆去皮熬研如膏乾薑

吳茱萸

人參各一兩


右六味末之煉蜜丸如梧子大酒下強人初服三丸日三服弱者二丸兼治卒中惡腹脹口不能言又治連年積冷流注心胸痛并冷衝上氣落馬墜車血疾等皆主之忌口如常法

按九痛者一蟲二注三風四悸五食六飲七冷八熱九去來痛是也而竝以一藥治之者豈痛雖有九其因於積冷結氣所致者多耶

腹滿寒疝宿食病脉證治第十

跌陽脉微弦法當腹滿不滿者必便難兩胠疼痛此虛寒從下上也當以溫藥服之

跌陽胃脉也微弦陰象也以陰加陽脾胃受之則為腹滿設不滿則陰邪必旁攻胠脇而下閉穀道為便難為兩胠疼痛然其寒不從外入而從下上則病自内生所謂腎虛則寒動於中也故不當散而當溫



病者腹滿。按之不痛。為虛痛者。為實可下之。舌黃未下者。下之黃自去。

腹滿。按之不痛者。無形之氣散而不收。其滿為虛。按之而痛者。有形之邪結。而不行。其滿為實。實者可下。虛者不可下也。舌黃者。熱之徵。下之實去。則黃亦去。腹滿時減。復如故。此為寒。當與溫藥。

腹滿不減者。實也。時減復如故者。腹中寒氣得陽而暫開。得陰而復合也。此亦寒從内生。故曰當與溫藥。

病者痿黃。燥而不渴。胸中寒實。而利不止者。死。

痿黃。脾虛而色敗也。氣不至故燥。中無陽故不渴。氣竭陽衰。中土已敗而復寒結於上。藏脫於下。何恃而可以通之止之乎。故死。

寸口脉弦者。即脇下拘急而痛。其人當啗惡寒也。

寸口脉弦。亦陰邪加陽之象。故脇下拘急而痛。而寒從外得。與跌陽脉弦之兩胕疼痛有別。故彼兼便難。而此有惡寒也。

夫中寒家喜欠。其人清涕出。發熱色和者。善噦。

陽欲上而陰引之。則欠。陰欲入而陽拒之。則噦。中寒者。陽氣被抑。故喜欠。清涕

出。發熱色和則邪不能留。故善噦。

中寒其人下利。以裏虛也。欲噦不能。此人肚中寒。

中寒而下利者。裏氣素虛。無為捍蔽。邪得直侵中藏也。欲噦不能者。正為邪遠。既不能却。又不甘受。於是陽欲動而復止。邪欲去而仍留也。

夫瘦人繞臍痛。必有風冷。穀氣不行而反下之。其氣必衝。不衝者。心下則痞。瘦人臟虛氣弱。風冷易入。入則穀氣留滯不行。繞臍疼痛。有似裏實。而實為虛冷。是宜溫藥以助脾之行者也。乃反下之。穀出而風冷不與俱出。正乃益虛。邪乃無制。勢必犯上。無等否亦竊據中原也。

病腹滿發熱十日。脉浮而數。飲食如故。厚朴七物湯主之。

腹滿裏有實也。發熱脉浮數。表有邪也。而飲食如故。則當乘其胃氣未病而攻之。枳朴大黃。所以攻裏。桂枝生薑。所以攻表。甘草大棗。則以其內外並攻。故以之安臟氣。抑以和藥氣也。

厚朴七物湯方

厚朴 半斤

甘草

大黃 各三兩

大棗 十枚

枳實 五枚

桂枝 二兩

生薑 五兩

右七味以水一斗煮取四升溫服八合日三服嘔者加半夏五合下利去大黃
寒多者加生薑至半斤

腹中寒氣雷鳴切痛胸脇逆滿嘔吐附子粳米湯主之

下焦濁陰之氣不特肆於陰部而且逆於陽位中土虛而隄防撤矣故以附子
輔陽驅陰半夏降逆止嘔而尤賴粳米甘棗培令土厚而使斂陰氣也

附子粳米湯方

附子一枚

半夏

粳米各半

甘草二兩

大棗十枚

右五味以水八升煮米熟湯成去滓溫服一升日三服

痛而閉者厚朴三物湯主之

痛而閉六府之氣不行矣厚朴三物湯與小承氣同但承氣意在瀉實故君大
黃三物意在行氣故君厚朴

厚朴三物湯方

厚朴八兩

大黃四兩

枳實五枚

右三味以水一斗二升先煮二味取五升內大黃煮取三升溫服一升以利為

度

按之心下滿痛者此為實也當下之宜大柴胡湯

按之而滿痛者為有形之實邪實則可下。而心下滿痛則結處尚高與腹中滿痛不同。故不宜大承氣而宜大柴胡。承氣獨主裏實。柴胡兼通陽痺也。

大柴胡湯方 柴胡半斤 黃芩 芍藥各三兩 半夏半升 枳實四枚

大黃二兩 大棗十二枚 生薑五兩

右八味以水一斗二升煮取六升去滓再煎溫服一升日三服

腹滿不減減不足言當下之宜大承氣湯

減不足言謂雖減而不足云減所以形其滿之至也故宜大下。已上三方雖緩急不同而攻泄則一。所謂中滿者瀉之於內也

大承氣湯方見瘕病

心胸中大寒痛嘔不能飲食腹中滿上衝皮起出見有頭足上下痛而不可觸近者大建中湯主之

心腹寒痛嘔不能食者陰寒氣盛而中土無權也上衝皮起出見有頭足上下痛而不可觸近者陰凝成象腹中蟲物乘之而動也是宜大建中藏之陽以勝上逆之陰故以蜀椒乾薑溫胃下蟲人參飴糖安中益氣也



大建中湯方 蜀椒二合炒去汗 乾薑四兩 人參一兩

右三味以水四升煮取二升去滓內膠飴一升微火煎取二升分溫再服如一炊頃可飲粥二升後更服當一日食糜粥溫覆之

脇下偏痛發熱其脉緊弦此寒也以溫藥下之宜大黃附子湯

脇下偏痛而脉緊弦陰寒成聚偏着一處雖有發熱亦是陽氣被鬱所致是以非溫不能已其寒非下不能去其結故曰宜以溫藥下之程氏曰大黃苦寒走而不守得附子細辛之大熱則寒性散而走泄之性存是也

大黃附子湯方 大黃三兩 附子三枚 細辛二兩

右三味以水五升煮取二升分溫三服若強人煮取二升半分溫三服服後如人行四五里進一服

寒氣厥逆赤丸主之

寒氣厥逆下焦陰寒之氣厥而上逆也茯苓半夏降其逆烏頭細辛散其寒真朱體重色內之以破陰去逆也

赤丸方 烏頭二兩炮 茯苓四兩 細辛一兩 半夏四兩

右四味末之內真朱為色煉蜜為丸如麻子大先食飲酒下三丸日再夜一服不知稍增之以知為度

腹滿脉弦而緊弦則衛氣不行即惡寒緊則不欲食邪正相搏即為寒疝寒疝繞臍痛若發則白津出手足厥冷其脉沉緊者大烏頭煎主之

弦緊脉皆陰也而弦之陰從内生緊之陰從外得弦則衛氣不行而惡寒者陰出而痺其外之陽也緊則不欲食者陰入而痺其胃之陽也衛陽與胃陽並衰而外寒與內寒交盛由是陰反無畏而上衝陽反不治而下伏所謂邪正相搏即為寒疝者也繞臍痛發則白津出手足厥冷其脉沉緊皆寒疝之的證白津汗之淡而不鹹者為虛汗也一作自汗亦通大烏頭煎大辛大熱為復陽散陰之峻劑故云不可一日更服

大烏頭煎

烏頭大者五枚熱去皮不必咀

右以水三升煮取一升去滓內蜜二升煎令水氣盡取二升強人服七合弱人五合不差明日更服不可一日更服

寒疝腹中痛及脇痛裏急者當歸生薑羊肉湯主之

此治寒多而血虛者之法。血虛則脉不榮。寒多則脉絀急。故腹脇痛而裏急也。
當歸生薑溫血散寒。羊肉補虛益血也。

當歸生薑羊肉湯方

當歸 三兩

生薑

五兩

羊肉 一斤

右三味以水八升煮取三升溫服七合日三服。若寒多加生薑成一斤痛多而嘔者加橘皮二兩白朮一兩加生薑者亦加水五升煮取三升二合服之。
寒疝腹中痛逆冷手足不仁若身疼痛灸刺諸藥不能治抵當烏頭桂枝湯主之。
腹中痛逆冷陽絕於裏也手足不仁或身疼痛陽痺於外也此為寒邪兼傷表裏故當表裏並治。烏頭溫裏桂枝解外也。徐氏曰灸刺諸藥不能治者是或攻其內或攻其外邪氣牽制不服也如醉狀則榮衛得溫而氣勝故曰知得吐則陰邪不為陽所容而上出故為中病。

烏頭桂枝湯方 烏頭

右一味以水二升煎減半去滓以桂枝湯五合解之令得一升後初服五合不知即服三合又不知復加至五合其知者如醉狀得吐者為中病

其脉數而緊者弦狀如弓弦按之不移脉數弦者當下其寒脉緊大而遲者必心

下堅脉大而緊者陽中有陰可下之

脉數為陽緊弦為陰陰陽參見是寒熱交至也然就寒症言則數反從弦故其數為陰疑於陽之數非陽氣生熱之數矣如就風瘧言則弦反從數故其弦為風從熱發之弦而非陰氣生寒之弦者與此適相發明也故曰脉數弦者當下其寒緊而遲大而緊亦然夫雖陽脉不得為熱正以形其陰之實也故曰陽中有陰可下之

附方

外臺烏頭湯治寒疝腹中絞痛賊風入攻五臟拘急不得轉側發作有時令人陰縮手足厥逆即大烏頭煎

外臺柴胡桂枝湯治心腹卒中痛者 柴胡四兩 黃芩 人參

芍藥 桂枝 生薑各一兩半 甘草一兩 半夏三合半 大棗六枚

右九味以水六升煮取三升溫服一升日三服

外臺走馬湯治中惡心痛腹脹大便不通 巴豆二枚去皮心熱 杏仁二枚

右二味以綿纏槌令碎熱湯二合捻取白汁飲之當下老少量之通治飛尸鬼